



Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

CCCXXI. Invicem benefici frater & medicus.

urn:nbn:de:hbz:466:1-12889

& spoliatus essem à latronibus, dices, vitio tuo, parum diligenter custodiebas. ¹ Quotumquodque damni genus est, cui non applicari reprehensio possit? Si mancipiorum mortes sunt, parum curasti, medicinam non adhibuisti. Hoc habent gravissimum damna, quod vix ulla sine pœnitentia sunt. Ergo tunc quoque si vitio meo factum esset, si lege vetere, damna tamen communia erant.

CCCXXI.

In vicem benefici frater & medicus.

Fratres consortes, inimici esse cœperunt: diviserunt. Alter ex his medicum instituit hæredem, postea redierunt in gratiam. Is qui medicum amicum habebat, cum cœnasset apud fratrem, & domum rediisset, dixit suspicari se, venenum sibi datum: respondit medicus, potionem se daturum remedii, & dedit: qua epota ille decessit: in vicem se reos deferunt beneficij, frater & medicus.

DECLAMATIO.

ETiam si causa unius hodie agnoscitur, tamen cum eum de cuius morte agitur, constet veneno periisse, idque inter duos litigantes conveniat, alter utriusque eum veneno periisse: ita committenda utrinque causa est, ut non minor nobis defensionis, quam accusationis habenda sit ratio. Itaque etiam si dolor fratri amissi & conditio judicii quos accuso, ² hoc videtur exigere primum ac pene solum, ut ea quæ objeci, probem: ignoscetis tamen mihi, si primam defensionis meæ putavero habendam esse rationem: neque hoc eo tantum, quod pertinet ad pudorem hodie meum: sed eo etiam, quod plus auctoritatis habiturum me in accusatione scio, si ad illam innocens venero. Quæritur ergo, judices, venenum ego fratri dederim, an iste alieno. Non me fugit nomen, quo utitur, amicus. Et rogo sciatis, judices, de hoc ipso quæri hodie, an amicus fuerit. Sine dubio etiamsi certa utriusque nominis fides effer,

¹ Quorum quodque genus damni.] Lege: Quorumquodque. Debetur hæc emendaatio Brissonio nostro. *Ærodias.*

² Hoc videtur exigere.] Lege: videtur, Gronovius.

efset, neminem vestrum præteriret, quantum præferri fratrem amico oporteret. Nam quæ potest amicitia esse tam felix, quæ imitetur fraternitatem? Certe quotiens blandiri volumus his, qui esse amici videntur, nulla adulatio procedere ultra hoc nomen potest, quam ut fratres vocemus. Adeo inane etiam nomen, & umbra quædam naturæ videatur simile amicitiae nomen imponere. Cum vero me fratrem constet esse, si venenum (ut probabo) dedit, amicus utique non fuerit. Quæ comparatio esse personarum potest? Ac si tantum de amore quæreretur, 'judices, multum natura vinceret: nunc plus est aliquanto, de quo apud vos agitur. Quæritur enim, an ego fratrem potuerim occidere? Ergo inter homicidium & parricidium cognoscitis. Non dum de persona loquor utriusque, non de causa: interim quæro, judices, utri parti faveatis, utrum verum esse præcivitate, pro temporibus velitis. Evidem, judices, admirari me confiteor, aut constitutas esse de tanti sceleribus leges, aut ullos inveniri potuisse mortalium, in quos caderet ista suspicio. Fratrem suum potuit aliquis occidere? non obstat tacita natura? non sanguinis jus? non sceleribus manus suas objecit, quæcumque est illa, quæ certe creditur esse, pietas. fratrem occisuro non succurrit communis ute-rus? non eadem causa vitae? non una primordia? non illa consuetudo, quæ alienos etiam ac nulla necessitudine inter se conjunctos componere & astringere affectibus potest: consuetudo actæ pariter infantiae, pueritiae studia, lusus, tristitia, joci? Membra hercule inter se citius pugnaverint, & si qua in nobis natura geminavit, diversos ceperint affectus. Nam quid est aliud fraternitas, quam divisus spiritus? & quæ ad tuendos nos natura concessa sunt multipli-cata,

¹ Judices.] Al. judicium. Pith.

² Non illa consuetudo quæ alienos.] Vi-detur vox consuetudo abundare, & scri-bendum: non una primordia? non illa (quæ alienos etiam ac nulla necessitudine con-junctos componere & adstringere affectibus po-

test) consuetudo actæ pariter infantiae, pueritiae? Studia, lusus, tristitia, joci? Quod autem irrepit in Pithœanas nulla consue-tudine, sciendum & apud Thaddæum & apud Ærodium legi necessitudine, ut illud operatum vitium esse videatur. Gronov.

cata, eo quidem felicius, quod ¹ diversis etiam ² assistentibus locis, esse iidem, ac plura simul obire possimus. Huic necessitudini qui dare venenum potest, non oculos effodiet suos? non manus in viscera sua armabit? Habet ergo hoc primum (ut parcissime dixerim) admirationem, neque ego ignoro, judices, quanto me onere premam. Ipse confiteor nullis suppliciis, nullis poenis, nulla me omnium hominum ira posse pensari, si feci. Vult detrahere fraternitati auctoritatem. Discordes, inquit, fuistis. Nondum rationem hujus criminis reddo: illud interim testor: hunc bonum amicum utrique maledicere. Nunc mihi, frater, in quacunque parte naturae es, agenda causa & tua est. Aliquid ex summa fraternitatis gratia defuisse visum est aliquando, dum forsitan uterque alterius animum magis exigit fiducia sui. Bene hercule fortuna, quod uterque tunc in columnis, quod penates sine lacrymis fuerunt: nulla paricidij suspicio tempore illo, quo minus amabamus. Non tamen ista nostri animi culpa fuit, nisi quia vitium est humanae mentis nimia cupiditas. Hi sunt, qui conjunctos separant animos, qui summæ concordiae virus suum interponunt, qui haereditates captant, qui se testamentis parant: qui ita demum spem aliquam in posterum vitae habent, si eos, quos amicos appellaverunt, carissimis pignoribus abduxerint. Quis fecerit illud inter nos, sic querite. Nullam iste spem haereditatis habuisset, si nunquam disseverasset. Hoc igitur primum veluti mentium animique tentati veneno sumus, sed, Dii melius, neque longum istud fuit, neque quicquam ex eo secutum est, quod emendari non possit. Divino sola, ut sciatis cui haeres sit: sed postea (quod satis est) gratia, & rursus solida fraternitas, immo, hercule major arctiorque conjunctio post poenitentiam. Nesciunt homines, quantum boni fraternitas habet,

¹ Diversis etiam assistentibus locis.] ² Assistentibus locis.] Al. existentibus
Forsitan: diversis etiam ac disidentibus locis. Pithœus,
Gronovius.

beat, qui nunquam dissederunt. Ut dulcissimum post tempestates est, ita nostris animis laceratis, & domi castigatis, velut portus ille fraternitatis occurrit. Amabamus etiam in praeteritum, nec caritas fuit illa, sed invicem satisfactio. Utinamque hoc non palam, non manifeste fecissemus, ut videretur frater meus nullo modo mutaturus testamentum. Personæ igitur nullo modo comparantur: alienus & frater. Supervacua mentio discordiæ, cum & illo tempore constiterit innocentia, & id tempus quod in culpam deducitur, non solum sine discordia fuerit, verum etiam major atque arctior caritas, post illam de qua locutus sum, pœnitentiam increverit. Proximum est (ut opinor) excutere causas: & quod ad me quidem pertinet, video de his satis locutus. Nam si inimicitiae eo tempore non fuerunt, quo frater meus accepit venenum, mihi certe hoc faciendi ratio non fuit: qui si essem malus frater, uti tamen bonitatis simulatione debebam, usque ad mutationem testamenti. Nam quid obstabat quo minus non ultionem tantum, sed etiam lucrum consequerer? Si ego non habui rationem dandi veneni fratri, video an hic habuerit. Hæres est: hoc per se potens est. Omnia quæcunque toto orbe terrarum committuntur scelera, circunspicite, iudices, pleraque ex cupiditate nascentur: hæc latrones facit, hæc piratas, hæc intra muros etiam, atque intra domos nostras, & tempora, sicas percussorum acuit: inde nata sunt venena, ut mihi videatur rerum natura omnibus in hominem collatis bonis unum metum opposuisse. Tolle pecuniam, bella sustuleris: sustuleris seditiones. Hanc ergo caussam habuisti. Et aliud est, aliis pecunia: si de cupiditate sola loquendum mihi foret, dicerem, Hæreditatem concupisti, homo locuples, nunc hæreditatem concupisti, id solum habiturus quod scelere adquisisses. Quid enim jam remetiri incipis, & longam domus nostræ patientiam calcas? Ecquid scis, quid paulo ante fueris? nunc te circumfluens pecunia, nunc ista mancipia, & quicquid quæsisti scelere, ditabunt?

ditabunt? Venenum dico dedisse in cœna mea. O D^H immortales! erat quidem honestius illa defensione patrocinari causæ meæ. Venenum quis inter lares suos, inter sacra mensæ, coronatis pariter, quos colebamus, Diis immortalibus, venenum quis hilaris hilari dedit? Non hoc ipsum obstat conatibus meis, quod non credebatur? Venenum quis circumstante familia, præsentibus ministeriis daret, fœdatus continuo cadavere illud convivium suum? Ut severa nobis antiquitas tradidit, infestos animos placavere mensæ: & homines, qui inter se armis atque exercitibus confluxerant, tuti tamen jacuere media cœnæ fide. Sic defendi decebat innocentiam, sed quatenus tanquam maligni loquimur, quatenus tanquam suspecti, in præsentia seponite mentem meam, seponite fraternitatem, seponite anteactam vitam. Tanquam de veneficio loquor, quo minus loco, quo minus tempore dare fratri meo debuerim venenum. Neque enim quisquam dubitat, judices, quin faciendi scelera consilium, non unam viam intueatur, ut ad summam cogitati inchoatique perveniat: sed illam alteram, vel magis necessariam, & quem penitus in cogitationibus sedeat, ut scelus, quod commisit, neget. Venenum do: & unde scio, an exhausta potionem statim concidat? venit ad mensam meam: inter convivas meos expirat frater meus, in quem scelus translatrus? quem Deorum hominumque invocaturus? Non fuit ergo locus idoneus, non fuit tempus: adjice, quod ego datus venenum potui timere, ne deprehenderer, ne præsentiret, ne intelligeret, ne colore venenum deprehenderet, ne qua vis odoris se ostenderet. Nulli venenum facilis dari potest, quam qui accipit utique tanquam medicamentum. Ergo nullum consilium sceleris mei est. At tui quanta occasio? quamquam de hac postea loquar: paullum

I Quin faciendi scelera consilium.] ciendi sceleris consilium non unam viam intueatur. Gronovius.
Ætodi: quinfaciendo quis sceleris, consilium, non unam. Ego malum: quinfaci-

lum enim me interpellat ordo, ut illud defendendum existimem, quod fratrem meum ait suspicatum. Ante omnia, judices, quod sit illud suspicionis genus, non intelligo. Postquam biberat, fingamus cibos redundasse; fingamus aliquem sensum interiorum fuisse: haec tamen omnia accidere etiam ex innocentia convivio possunt. Unde ergo suspicio est? unde illæ similitates? unde illa discordia? Simul & illud vos, judices, intueri oportet: epota hujus potionis, fratrem meum continuo perisse. Non potest videri eo veneno periisse, in quo ante momentum mortis suspicio fuit. Verum haec ex hujusmodi causis orta suspicio, plenissimam defendendi veneni occasionem dedit. Prima illa, quod habebas cui objiceres: altera illa, ¹ quod qualisque potionem accepturus erat frater, si & illam tristem visu, si & illam gustu asperam: bibendum est tamen, cum dicas remedium. Sed quid ego diutius? si venenum à me accepisset, tu sanasses: nam & pollicitus es. Habebas medicamentum, & tale medicamentum dicebas, ² quo prope reducere spiritum, quo vita reponi posset, quo venena fugarentur, quo transmittenrentur. Potionem dedisti, aut remedium aut veneni: si remedium dedisses, viveret: non id apparet, ergo venenum dedisti. Multa sunt, judices, quæ minus clare verbis atque actione exprimi possunt. Utinam quidem fortuna præstitteret, ut frater meus viveret: ostendissem vobis medicum. Hoc enim ante omnia dico, judices, medicum: ostendissem potionem hanc non quotidiam, & quo omnes utimur: sed medicamentis permixtam & oneratam. Dat medicus medicamentum: qui acceptam bibit potionem, statim expirat. Qui tandem hic argumentandum erat? qui tandem hic probandum? non oculis judicassetis, non continuo strictis faucibus rapiendus

¹ Quod qualisque potionem.] Scribo: quod qualcumque potionem accepturus erat frater, et si illam tristem visu, et si illam gustu asperam. Idem.

² Quo prope reducere spiritum.] Scribe: quod prope reducere spiritum, quo vita reponi posset. Idem.

dus ad supplicium veneficus videretur, qui nunc etiam spolia occisi hominis tenet, & subito locuples, ait se tandem habere, quantum me, qui nuper divisi? Mihi quid relictum est praeter luctus & lacrymas? Ultimum ergo illud nobis, frater miserrime, convivium erat, siccine digressi sumus? in has spes discessimus? Habui occasionem mœrendi. Diu insidiatus essem. Potui tibi venenum dare de quo nihil suspicareris.

CCCXXII.

Abdico te, nisi definis.

Stricto gladio & cruento processit adolescens in concionem: & dixit, occisum à se patrem, quod ab eo tyrannis affectaretur. Perduxit magistratum in domum: ostendit apparatum tyrannidis. Cum excuteretur corpus, inventæ sunt tabellæ ad filium: in quibus erat hoc, *Abdico te nisi definis*: & si contradixeris, indicabo causas. Reusest juvenis affectatae tyrannidis.

DECLAMATIO.

QUOD circa probationem criminis hujusmodi difficultatum solet esse, certum est affectatam tyrannidem, certum est affectatam esse in hac domo: omnisque eo deducitur quæstio, ut dispiciatis, utrum à patre hujus, an ab hoc sit affectata. Nihil de moribus hujus adhuc dico. Ætates comparete: senex ille & ætatis exactæ, quam rationem affectandæ tyrannidis habuit: nisi forte propter filium hoc fecit. Hic adolescens est: omnes cupiditates, omnes impetus in hac ætate facilius convalescunt. Est quædam præterea ratio sceleris, si hoc tamen nomen nullum accepit scelus, id tentavit, quo frui diu posset. Hæc ætatum comparatio, illa animorum. Pater modestus est: etiam si quid facere severius voluit, minatus est hic contra, qualis adolescens? ut nihil aliud objiciam, quam quod ipse confessus

[*Si hoc tamen nomen nullum accepit.*] **E**rodius: si senex hoc tentasset, ex hoc nullum emolumentum accepisset: juvenis id tentavit. Nos initius: *Est quædam præ-*

terea ratio sceleris: (si hoc tamen nomen nullum accepit scelus:) id tentavit, qui frui diu posset. Hoc nomen, puta rationis. Si in ullo scelere est ratio. Idem.